

Edizione diplomatico-interpretativa

	I
Qvant uoi este et le ten(s) reuenir. que bois et pre con- mencent auerdir. se iai ame bien men doit souuenir. m(u)lt doi hair ceus qui me font guerpir. la bele riens que iaim tant et desir. dex si bel oeil si bel oeil si bel oeil. me font am(er) cent tans pl(us) q(ue) ne suel.	Quant voi esté et le tens revenir que bois et pré commencent a verdir, se j'ai amé bien m'en doit souvenir, mult doi häir ceus qui me font guerpir la bele riens que j'aim tant et desir. <i>Dex si bel oeil, si bel oeil, si bel oeil me font amer cent tans plus que ne suel.</i>
	II
Cil qui damer norent on - ques talent. ne seuent pas langoisse que ie sent. que ie sui cil par le mien encient. q(ua) mors fist ia plus lie et plus ioiant. ha las chetis conmeor le me reuent. dex tant la uuel tant la uueil tant la uueil. por son solaz et por son bel a cueil..	Cil qui d'amer n'orent onques talent ne seuent pas l'angoisse que je sent, que je sui cil, par le mien encient, qu'amors fist ja plus lié et plus joiant, halas, chetis!, conme or le me revent. <i>Dex tant la vuel, tant la vueil, tant la vueil por son solaz et por son bel acueil.</i>

- letto 2176 volte